

證治準繩

九十二

拾函

三 雜證門下

痰飲 咳嗽 喘滿 嘔吐 霍亂
 翻胃 吐食 血膈 鼻衄 吐血
 積聚 癥瘕 心腹 脹滿

漢書門			
一	二	九	七
〇	〇	八	二
冊	架	函	號

內閣文庫			
〇〇	〇〇	二	七
函	冊	架	號

內閣文庫			
番號	漢	12971	
冊數	100 (92)		
函號	301	60	



女科證治準繩卷之三

金壇王肯堂輯門人新安閔承詔校

雜證門下

痰飲

大婦人風痰者由臟腑風冷水飲停積在於胃膈所
成也人皆有痰少者不能為妨多者成患但胃膈有
痰飲停於胸中則令眼昏亦令頭眩頭痛者藥隱
老人評曰夫痰之為害多因外感五邪五邪者寒暑
內傷七氣七氣者喜怒憂思驚恐志也因五邪而得者得風為風
痰得寒為寒痰得暑為暑痰因七氣所傷多因婦人

痰飲

女科三

精性執着不能容忍而有此證豈特只因風冷而成哉所以外感五邪內傷七氣則一身之中血液淚汗涕唾身中濕者敗濁變而成痰乘間而為害也經云清則運為精華濁則凝為痰飲此之謂也然有痰涎飲沫四種相類宜子細詳辨調治因風而生痰者宜服三生飲本中暴厥星香飲雜病中風青州白丸子雜病中風化痰丸雜病痰飲因寒冷而得者宜服降氣湯雜病氣黑錫丹雜病頭痛養正丹頭暈目眩因熱而得者宜服金沸草散雜病咳嗽柴胡半夏湯本條因暑而得者消暑丸雜病傷暑因氣滯不調鬱結而成者宜服參蘇飲雜病發熱四七湯雜病氣二陳

湯雜病痰飲痰在上者以瓜蒂散吐之在下者以控涎丹

實方痛利之雖曰可吐可下亦要觀人之盛衰察脉之虛實方可投之切記不可猛吐暴下所以初虞世有金

虎碧霞之戒也薛前證若肝經恚怒用小柴胡湯

傷寒少陽肝經風熱用釣藤散頭目眩暈肝腎氣虛用川芎散

眩暈脾經鬱結用濟生歸脾湯健忘鬱怒傷肝脾用加

味逍遙散經調脾虛痰逆用白朮半夏天麻湯雜病眩暈脾

氣虛弱用六君子益氣湯肺氣鬱滯用二陳雜病痰飲貝

母桔梗陰虧水泛用六味地黃丸雜病虛勞腎虛陰火加

減八味丸雜病虛勞腎虛火不歸源八味丸雜病虛勞仍與前

痰飲

證互相用之。一婦人內熱口乾勞則頭暈吐痰帶下或用化痰理氣藥前證益盛肢體或麻又用祛風化痰藥肢體常麻手足或冷或熱此脾土不能生肺金也余用補中益氣湯加茯苓半夏炮薑二十餘劑漸愈又用加味逍遙散三十餘劑全愈後因怒吐痰胸痞或用清氣化痰丸食少痰甚胸膈脹滿脉或浮大或微細余以六君倍用參朮少加木香而康一婦人咳嗽脇痛或用清肺化痰降火等劑久不愈更加內熱晡熱若兩脇或小腹內熱其咳益甚小便自遺余曰此屬肝經血虛火動用六味丸加五味子滋

愈腎水以生肝血用補中益氣生脾土以滋肺金而尋

旋覆花湯 治婦人風痰嘔逆不下飲食頭目昏悶

旋覆花

枇杷葉去毛炙

川芎

細辛去苗

藿香

桂心

枳殼去穢麩炒

前胡去蘆

人參去蘆

半夏薑製各半兩

甘草炙

羚羊角屑

赤茯苓各半錢

羌活去蘆半兩

右咬咀每服五錢水一盞半生薑五片煎至一大

盞去滓溫服食遠日進二服

痰飲

女科三

三

天南星丸

治婦人風痰心膈壅滯

天南星

薑製

白附子

炮

皂角仁

炒黃

半夏麴

各壹兩

白礬

枯伍錢

右為細末酒煮麴糊丸如梧子大每服貳拾丸煎

生薑薄荷湯送下食後臨卧日進二服

大半夏湯

治痰飲脾胃不和咳嗽嘔吐飲食不化

半夏

白茯苓

生薑

各貳錢

右薑水煎服胃痞加陳皮

四七湯亦善

導痰湯

治痰涎壅盛胸膈痞塞或咳嗽惡心飲食

少思

半夏

貳錢

南星

枳實

炒

茯苓

橘紅

壹錢

甘草

伍分

右用薑拾片水煎服

瓜蒂散

療病痰胸膈痞塞頭不痛項不強寸脉微

浮胸中痞鞭氣衝喉咽不得息者此為胸中有痰

也當吐之宜此法

柴胡半夏湯

治痰熱頭痛利膈除煩悶手足煩熱

榮衛不調肢節拘倦身體疼痛嗜卧少力飲食無

味兼治五嗽痰癖

柴胡

捌分

半夏

叁兩半

人參

去蘆

甘草

黃芩

麥門冬

各貳兩

白朮

貳兩

右咬咀每服伍錢水壹盞半薑伍片棗壹枚煎至捌分去滓服

治諸虛百損

大寒中寒胸膈痞滿不舒息者此為胸中寒

亦帶蟻之熱深寒胸膈痞塞更不蘇更不絕其津

亦用薑合水煎服

導痰射苓

瀉珠

甘草

並飲食

少半夏

瀉痰

南星

附實

瀉痰

咳嗽

大婦人咳嗽者由肌體虛外受於寒熱風濕所得也肺為四臟之華蓋內統諸臟之氣外合於皮毛若為寒熱風濕所傷邪氣自皮毛而入於肺中外皆傷故令咳也大抵治咳不可一槩治當以脉息辨之其脉浮而弦者起於風濡而弱者起於濕洪而數者起於熱遲而澁者起於寒風者散之濕者燥之熱者涼之寒者溫之虛者補之未有不妥者也薛丹溪云春是木氣上升夏是火氣炎上秋是濕熱傷肺冬是風寒外來當發散行痰開腠理用二陳湯加麻黃桔梗

咳嗽

女科三

五

杏仁痰飲隨證加藥勞嗽宜四物加竹瀝薑汁乾咳
嗽難治此證乃痰鬱火邪也用苦梗開之夏用補陰
降火不已則成勞上半日多嗽者胃火也用貝母石
膏午後嗽者陰虛也用四物加炒黑黃檗知母黃昏
嗽者火氣浮於肺也用五味子五倍子五更嗽者飲
食之火流於肺也以貝母軟石膏肺脹而嗽或左或
右不得眠此痰挾瘀血氣滯而病宜養血疎肝清痰
用四物加桃仁訶子青皮竹瀝之類嗽而脇下痛宜
疎肝氣以青皮挾痰實者白芥子之類血凝氣作嗽
者桃仁大黃薑汁丸服治嗽多用生薑以其辛散故

也痰因火動逆上作嗽者先治火次治痰以知母止
嗽清肺滋陰降火夜嗽用清陰分之劑若嗽多用粟
殼不必疑但要丟病根此乃收後藥也竊謂前證午
前嗽屬胃火盛用竹葉石膏湯傷寒 後病胃氣虛用補
中益氣雜病 傷加炒山梔午後嗽屬陰血虛用四物
黃檗知母或味酒 拌炒 黑腎水虛用六味地黃丸雜病 虛勞黃昏
嗽用四物五味麥門并前丸五更嗽用六君子雜病 虛勞
不得眠及兩脇下痛用六味地黃補中益氣若因氣
虛腠理不密六淫所浸當祛外邪而實脾土若因心
火太過當伐肝木而滋肺金若肺金氣虛當補脾土

咳

六

而生肺氣若因腎水虧損虛火炎上當補肺腎以滋
化源大抵風邪胃火此實熱為患易治惟肺腎虧損
此真臟為患最難調治 一婦人素勤苦冬初咳嗽
發熱吐血盜汗通身作痛或寒熱往來用化痰降火
之藥口噤筋攣此血本虛而藥復損之耳余用八味
丸雜病為佐以補中益氣麥門五味山藥年餘而
愈 一婦人咳嗽發熱嘔吐痰涎日夜約五六碗喘
咳胸痞燥渴不食崩血如准此脾土虛寒用八味丸
及附子理中湯雜病而愈 一婦人不得於姑患嗽
胸膈不利飲食無味此脾肺俱傷痰鬱於中也先用

歸脾湯雜病健忘加山梔撫芎貝母桔梗諸證漸愈後以
六君加芎歸桔梗間服全愈 一婦人咳嗽早間吐
痰甚多夜間喘急不寐余謂早間多痰乃脾虛飲食
所化夜間喘急乃肺虛陰火上衝用補中益氣加麥
門五味而愈 一婦人患咳嗽脇痛發熱日哺益甚
余曰此肝脾虛熱而傷肺也用加味道遙散經調加熟
地黃治之而愈後因怒氣勞役前證仍作兼太陽痛
或寒熱往來或咳嗽遺尿此肺氣虛而尿脬失制也
仍用前散及地黃丸而瘥 一婦人久咳嗽面色痿
黃或時皓白肢體倦怠飲食少思稍多則瀉此脾土

咳散

女科三

七

用温藥

虛而不能生肺金朝用補中益氣湯夕用六君子湯
為主間佐以八珍湯雜病虛勞三月餘漸愈後感寒邪喘
嗽胸腹作脹飲食不入四肢逆冷此中氣尚虛不能
充皮毛肥腠理可開闔之所致也遂用六君加生薑
桔梗而愈
初虞世曰經曰微寒為嗽寒甚為腸癖古人立方治
嗽未有本於温藥如乾薑桂心細辛之屬以寒氣
入裏非辛甘不能發散以此準之夫有不因寒而嗽
也又曰熱在上焦因欬為肺痿又實則為肺癰虛則
為肺痿此人其始或血不足或酒色滋味太過或因

服利藥重亡津液燥氣內焚肺金受邪脉數發熱咳
嗽膿血病至於此亦已危矣古人立方亦用温藥如
建中之屬今人但見寒熱咳嗽率用柴胡鼈甲門冬
葶藶等藥旋踵受弊而不知非可為深戒就使不可
進以温藥亦須妙以湯丸委曲調治無為鹵莽致傷
人命薛丹溪云陰分嗽者多屬陰虛肺脹不得眠
者難治肺痿專主補氣養血清金肺氣有餘者宜瀉
之以桑白皮為主半夏茯苓佐之瀉其有餘補其不
足肺燥者當潤之屬熱者大力子桔梗知母雞子清
聲啞者屬寒也細辛半夏生薑肺虛者人參阿膠為

咳散

女科三

生陰不足者六味地黃為要藥或知母茯苓湯

陰虛氣喘四物加陳皮甘草以降其氣補其陰竊謂

前證嗽而鼻塞聲重風邪傷肺也用參蘇飲雜病發熱面

赤喘嗽火尅肺也人參平肺散雜病寒熱交作肝氣

不和也四君加知母柴胡桔梗咳喘短氣肺虛也人

參補肺湯喘體倦少食脾虛也參朮補脾湯本口乾

咽燥虛火上炎也六味丸大凡發熱喘嗽或咳唾膿

血飲食不入急補脾肺滋腎水多有得生者脉浮大

而面色赤者皆難治脉浮短滿者可療

經曰感於寒微則為咳此則為泄蓋肺主氣合於皮

毛邪傷皮毛則咳為肺病傳於各臟以時受邪肺為

嫩臟邪易傷而難治其嗽有肺心脾腎肝風寒支飲

膽之十種亦有勞嗽者華佗謂之邪嗽孫真人謂之

注嗽此因酒色過度勞傷肺經重者咯唾膿血輕者

時發時瘥或先嘔血而後嗽或先咳嗽而吐血此又

挾邪傳症孫真人用通氣丸夢與鬼交用四滿丸蛤

蚧天靈蓋桃柳枝安息香之類若肺中有蟲入喉痒

嗽須以藥含化其蟲即死嗽即止薛仲景先生云

咳而兩脇痛不能轉側兩胛滿屬於肝臟用小柴胡

湯咳而嘔苦水屬膽腑黃芩半夏生薑湯咳而喉中

咳

文斗三

如梗狀甚則咽腫喉閉屬心臟桔梗湯咳而大便失
氣屬小腸腑芍藥甘草湯咳而右脘痛陰引肩背甚
則不可動動則咳劇屬脾臟升麻湯咳而嘔嘔甚則
出長蟲屬胃腑烏梅丸咳而喘息有聲甚則唾血屬
肺臟升麻湯咳而失尿屬大腸腑麻黃附子細辛湯
咳而遺溺屬膀胱茯苓半夏湯咳而不止三焦受之
其狀腹滿不食涕唾面目浮腫氣逆異功散用之對
證其効如神 一婦人患前證晡熱內熱寒熱往來
作渴盜汗小便頻數其經兩三月一行此肝脾氣血
虛損用八珍湯六味丸六十餘劑諸證漸愈其經兩

月一行仍用前二藥間以加味逍遙散各三十餘劑
後恚怒適經行去血過多諸證悉至飲食少思腹脹
氣促用十全大補湯數劑漸愈乃用前藥調補漸安
復因喪子胸腹不利食少內熱盜汗便血無寐用加
味歸脾湯仍兼前藥而愈 一婦人患前證不時發
熱或時寒熱或用清熱之劑其熱益甚盜汗口乾兩
足如炙遍身皆熱昏憤如醉良久熱止方甦或晡熱
至旦方止此陰血虛而陽氣弱也余朝用六味丸料
夕用十全大補湯月餘諸證稍愈更兼以補中益氣
湯兩月餘而愈

黃芪散 治虛中有熱咳嗽膿血口苦咽乾

黃芪 肆兩

甘草 貳兩

右為細末湯點壹貳錢服日三服 一方甘草壹

兩黃芪六兩名黃芪六一湯只咬咀水煎服

蛤蚧丸 治婦人咳嗽不止漸成勞氣

蛤蚧

壹對酥炙

紫苑

款冬花

鼈甲 炙

貝母 去心

皂角子仁 炒各壹兩

杏仁

炒去皮尖壹兩半

右為細末煉蜜丸如梧桐子大每服貳拾丸淡薑

湯吞下

含化丸 昔有婦人患肺熱久嗽身如炙肌瘦將成

肺勞服此安 龜宗真方

枇杷葉 去毛

桑白皮

款冬花

木通

紫苑

杏仁 各等分

大黃 減半

右為細末煉蜜丸如櫻桃大食後夜卧含化壹丸

貝母湯 本 治諸嗽久不瘥

貝母

生薑汁浸半日

北五味子

黃芩

乾薑

熱者減半

陳皮 各壹兩

半夏

桑白皮

桂心

北柴胡 各半兩熱者加

木香

甘草 各貳錢

右為粗末每服五錢水壹盞半杏仁七枚去皮尖碎之生薑貳片煎米分去滓執服黃師文云戊申冬有姓蔣者其妻積年嗽製此方授之一投而瘥以此治諸嗽悉皆愈

定喘湯

治丈夫婦人遠年近日肺氣咳嗽上氣喘

急喉中涎聲胸滿氣逆坐卧不安飲食不下及治肺感寒邪咳嗽聲重語音不出鼻塞頭昏並皆治之

半夏麩炒

阿膠炒

甘艸 各錢半

鸚粟殼製 半兩

北五味子

桑白皮

麻黃 云節

人參 各貳錢半

右咳嗽每服參大錢薑叁片烏梅半箇水壹盞半煎至七分去滓漸漸溫服食後臨卧日二服方同和劑

分兩加減不同有効

補肺湯

治證同前

滄州李官人宅又名清金湯

鸚粟殼製 貳兩

人參

粉艸 各半兩

陳皮

茯苓

杏仁製

白朮

明阿膠炒

北五味子

桑白皮

薏苡仁

紫蘇莖 各壹兩

咳軟

女科三

七

右咬咀為末每服叁大錢水壹盞半薑叁片棗貳枚
烏梅半箇煎至壹盞臨卧温服更加百合貝母
去心半夏麴欬冬花各壹兩服之良驗

金不換散 治男子女人肺胃虛寒久嗽不已喘促
滿悶咳嗽涎盛腹脇脹滿腰背倦痛或虛勞冷嗽
唾紅痰及遠年近日一切喘嗽諸藥不効者並治
之

鷲粟殼 半兩製 杏仁 製 甘草 各叁錢

枳殼 肆錢

右咬咀每服叁錢水壹盞半薑叁片烏梅半箇煎

至八分食後臨卧漸漸熱服

許元林先生方乙卯年七月僕嘗治一婦人咳嗽
不已服諸藥無効漸成癆瘵求予診之六脉濡弱
以愚考之此是血弱又因憂感太過而成斯疾合
用當歸等藥治之必愈遂先用古今錄驗橘皮湯
空心服蘇子降氣湯徐用金釵煎熟地黃丸當歸
丸調理得安 又治一婦人時行感熱咳嗽遂用
小柴胡湯去人參薑棗只加北五味子煎服愈
古今錄驗橘皮湯 療春冬傷寒秋夏冷濕咳嗽喉
中作聲上氣不得下頭痛方

咳散

女科三

七

陳橘皮

紫苑

麻黃去根

杏仁製

當歸

桂心

甘草

黃芩各等分

右以咀每服五錢水盞半煎至壹盞去滓熱服
深師四滿丸 治上氣嗽飲嗽燥嗽冷嗽邪嗽謂之
五嗽

乾薑炮

桂心

躑躅花

芎藭

紫苑各貳兩

芫花根皮伍錢

蜈蚣壹條去頭足炙

細辛

甘草炙

鬼督郵

人參

半夏湯洗各壹兩

右為末煉蜜丸大豆許每服五丸米飲下日三服
未應加至七八丸

團魚丸 治骨蒸勞嗽累效

貝母

前胡

知母

杏仁

柴胡各等分

生團魚貳箇

右藥與魚同煮熟取肉連汁食之將藥焙乾為末
用骨更煮汁壹盞和藥丸梧子大每服貳拾丸煎
黃芪六一湯空心送下病既安仍服黃芪六一湯
調理

參朮調中湯

瀉熱補氣止咳定喘和脾胃進飲食

咳散

女科三

一百

黃芪肆分

桑白皮伍分

人參

炙甘草

青皮

白茯苓各叁分

五味子肆分

白朮叁分

地骨皮

麥門冬

陳皮各伍分

右水煎服

噲化丸自製

清肺止咳定喘化痰

薄荷葉肆兩

桑白皮

天門冬去心

麥門冬去心

知母去皮

百部

貝母去心

柿霜各貳兩

枇杷葉去毛

訶子肉

阿膠

橘紅

紫苑

款冬花各壹兩

蘇蘇仁去油

蘇蘇皮瓢

黃芩

杏仁炒去皮尖

白茯苓

玄明粉

鉛白霜

桔梗各壹兩

旋復花

馬兜鈴

五味子各柒錢半

礪砂伍錢

冰片壹錢非真者勿用

右為極細末梨膏為丸如無梨膏則以白蜜竹瀝

梨汁熬至滴水不散為度丸如龍眼大噲化壹丸

參芪補脾湯 治肺證因脾氣虛弱咳唾膿涎中滿

不食宜兼服此藥以補脾土生肺金

人參

白朮各貳錢

黃芪貳錢半

茯苓

當歸

陳皮

各壹錢

升麻 叁分

五味子

肆分

炙甘草

伍分

右薑水煎服

正和仁 各半 咳逆 廿錢 水牛 各壹錢

白朮

黃芩

杏仁

蘇麻

蘇麻

蘇麻

紫菀

紫菀

紫菀

紫菀

紫菀

紫菀

喘滿

岐伯曰夜行則喘出於腎淫氣病肺有所墮恐喘出於肝淫氣害脾有所驚恐喘出於肺淫氣傷心度水跌仆喘出於腎與骨當是之時勇者氣行則已怯者則著而為病也原疾之由皆本於肺與氣然感外邪則有太陽證脈浮無汗而喘者宜麻黃湯陽明病汗出不惡寒腹滿而喘有潮熱者宜承氣湯若表邪未解誤服下利藥利遂不止脈促喘而汗出者宜葛根黃芩黃連湯若微喘者桂枝厚朴杏子湯汗出而喘若無大熱者宜麻黃杏子甘草石膏湯若表邪未解

喘滿

女科三

十六

心下停水發熱而喘或嘔者小青龍湯去麻黃加杏
仁主之若陰證喘促者四肢逆冷脉息沉細或寸大
尺小或六脉促疾或心下脹滿結鞭若冷汗自出或
大便頻數上氣喘促或咽喉不利者此是本氣極虛
內外挾寒冷所致使陰寒內消陽氣得復則愈宜返
陰丹主之見傷寒準繩大棗諸臟相乘而喘者以杏
子散本如感寒伏熱而喘者以華蓋散九寶湯
雜病若暴寒向火覆衣被過當傷熱肺實而喘促者
其狀多有熱證宜洗心散雜病冷水調服若因氣宇
不調痰盛喘促者宜四七湯氣雜病兼官局桔梗湯病雜

薑煎服若涎多而喘者宜干絳湯雜病橘皮半夏
湯本條若不得卧即喘者此由水氣逆行上乘於肺
肺得水則浮而開使氣不得通流其脉沉大宜神秘
湯雜病肺之積名曰息責在右脇下天如杯令人洒
浙寒熱喘咳發癰疽宜棗膏丸本條若上氣喘者神授
湯本條若上盛下弱而喘促者宜蘇子降氣湯氣雜病吞
黑錫丹雜病若尊年之人素來稟賦太厚不任熱藥
者不可輕投丹劑及諸熱藥但以秘傳降氣湯分心
氣飲俱雜病論之梗槩不出於此矣若素有脚氣而喘
者當作脚氣治之又有骨蒸勞喘自有專門不敢濫
喘滿

女科三

十七

及薛東垣云肺金受邪由脾胃虛弱不能生肺乃
所生受病故咳嗽氣短氣上皮毛不能禦寒精神少
而渴情慘不樂皆陽氣不足陰氣有餘也治法若肺
氣虛弱用四君子雜病加枳殼半夏脾虛不能生肺
補中益氣湯雜病七情氣結四七湯雜病脾經鬱結
歸脾湯健忘脾氣虛弱人參補肺散肺經火盛人參
平肺散腎水敗濁六味地黄丸雜病真陽虛損八味
丸虛勞或兼小便不利為害尤速非一二丸不能救一
婦人傷風寒作喘或用表散愈而復患仍用前藥其
證益甚飲食少思胸腹不利此因脾肺氣虛也予先

用六君子湯加桔梗漸愈又用補中益氣湯而痊
一婦人患前證屬命門火虛不能生脾土用補中益
氣湯八味地黄丸而痊後復患其喘益甚用前藥不
應遂用黑錫丹二服喘止仍用前二藥而諸證痊凡
屬邪氣有餘者其證易識治効亦速其屬元氣不足
者變證不一効非可以旦夕期也

杏子散

治諸臟相乘喘急

杏仁

去皮尖雙仁麩

麻黃根

為細末

右和勻煎橘皮湯調下貳錢無時

橘皮半夏湯

和劑

治脾胃虛弱好食酸冷寒痰停積

嘔逆惡心涎唾稠黏或積吐粥藥不下手足逆冷
目眩身重又治傷寒時氣欲吐不吐欲嘔不嘔昏
憤悶亂或飲酒過多中寒停飲喉中涎聲乾噦不
正

陳皮

去白

半夏

煮 各末兩

右判為麤散每服叁錢生薑叁片水貳盞煎至壹
中盞去滓溫服不計時留兩服滓併一服再煎服
棗膏丸 治息賁在右脇下大如杯令人灑淅寒熱

喘咳

甜葶藶

炒研

陳皮

苦梗

各等分

右為末煮棗肉丸桐子大每服數丸白湯下許學
士云余常停飲水積食已必噎漸喘覺肺系急服
此良驗

神授湯

治上氣喘急不得臥

橘紅

苦梗

紫蘇

人參

各壹錢

五味子

杵炒 叁分

右薑水煎服

治婦人喘促虛腫快利小便即瘥

用生薑貳兩取汁白麵叁兩以薑汁搜作小劑大
半夏拾箇打研入麵中作餅炙熟作黃色為末溫

喘滿

女科三

十九

熟水調下壹錢以小便通利為度

天門冬九楊氏家傳治婦人喘手足煩熱骨蒸寢汗口

乾引飲面目浮腫

天門冬拾兩去心麥門冬去心生地黄參斤煎

右二味為末入地黄膏和丸如梧桐子大每服五

拾丸逍遙散中去甘草加入參煎湯送下或服王

氏博濟方中人參荊芥散亦可如面腫不巳經曰

面腫曰風故宜汗麻黃桂枝可發其汗後服柴胡

飲子去大黃故論曰治臟者治其俞治腑者治其

合浮腫治其經治俞者治其土也治合者亦治其

土也如兵家圍魏救趙之法也

人參補肺湯治肺癰腎水不足虛火上炎咳唾膿

血發熱作渴小便不調

人參 黃芪炒 白朮

茯苓 陳皮 當歸各壹錢

山茱萸去核 山藥各貳錢 五味子苻

麥門冬去心 甘草各各柒分 熟地黄自製壹錢伍分

牡丹皮壹錢

右薑水煎服

人參平肺散治心火剋肺金患肺痿咳嗽喘嘔痰

婦科

女科三

二十

涎壅盛胸膈痞滿咽膈不利

人參

青皮

茯苓

天門冬

陳皮

地骨皮

甘草炙五分

知母柒分

五味子拾粒

桑白皮炒壹錢

右薑水煎服

血熱熱吐甚小則不渴

入參蘇瀉湯 試胡蠶骨木不呈盡火土炎也聖製

止吐散其寒圍膝逆甚之去也

嘔吐

大夫婦人嘔吐者由脾胃有邪冷穀氣不理所為也
胃為水穀之海其氣不調而有風冷乘之冷搏於胃
胃氣逆則令嘔吐也 夫嘔吐之疾非特脾胃虛冷
而嘔吐也亦有胃熱而嘔者亦有胃中冷胃口熱而
吐者亦有痰盛而嘔者亦有血弱而嘔者經云無陰
則嘔是也不可以一槩用藥如胃冷而嘔吐宜用局
方人參丁香散理中丸及許仁則半夏丸人參七味
丸如胃熱而嘔吐者宜用小柴胡湯蘆根湯竹茹湯
槐花散如胃中冷胃口熱而嘔吐者宜用局方藿香

正氣散生薑棗子煎沉冷服即止如痰盛嘔吐者宜
局方半夏湯茯苓湯二陳湯如惡阻兼用茯苓丸自
有專門如血不歸源而嘔吐者用十全大補雜病加
陳皮半夏藿香薑棗煎服或有脚氣而嘔者自有專
門不濫及薛東垣先生云前證內有故寒與新穀
俱入於胃新故真邪相攻氣併相逆復出於胃故為
噦補手太陰瀉足少陰又云胃因氣逆為噦夫嘔吐
噦者俱屬於胃以其氣血多少為異耳如嘔者陽明
也陽明多血多氣故有聲有物血氣俱病也仲景云
嘔多雖有陽明證慎不可下孫真人云嘔家多服生

薑為嘔家之聖藥也氣逆者必散之故以生薑為主
吐者太陽也太陽多血少氣故有物無聲為血病也
有食入則吐以橘皮去白主之噦者少陽也多氣少
血故有聲無物乃氣病也以薑製半夏為主若脾胃
虛弱寒邪所客飲食所傷者用六君丁香藿香生薑
之類若胃中有熱鬲上有痰用二陳山梔黃連生薑
若久病胃虛嘔而不納穀者用生薑參朮黃芪香附
之類亦有痰膈中焦食不得下者有氣逆而嘔者有
氣鬱於胃口者有食滯於心肺之分而復出者有胃
口有火與痰而嘔者若注船大吐渴飲水者即死童

便飲之最妙前論云血不歸源而嘔用十全大補湯
誠發前人之未發愚常用屢効此論與王安道游泗
集所論少異宜參看
先太宜人飲食後聞外言忤意嘔吐酸水內熱
作渴惟飲冷水氣口脈大而無倫面色青赤此肝脾
鬱火投之以藥入口即吐第三日吐宿食第七日吐
酸黃水十一日吐苦水脈亦洪大仍喜飲冷以黃連
煎湯冷飲少許至二十日加白朮茯苓二十五日加
陳皮三十七日加當歸炙草至六十日始進米飲半
盞漸進薄粥調理得痊 府岸沈姬文母患脾虛中
滿痰嗽發熱又食濕麵冷茶吞酸嘔吐絕食誤服苓

連青皮等藥益加寒熱口乾流涎不收聞食則嘔數
日矣迎治余曰脾主涎此脾虛不能約制也欲用人
參安胃散惑於衆論以為胃經實火宿食治之病日
增劇忽思瓜食如指甲一塊頓發嘔吐酸水不止
仍服前藥愈劇復邀視之則神脫脈絕瀕死矣惟目
睛尚動余曰寒淫於內治以辛熱然藥不能下矣急
用鹽艾附子炒熱熨臍腹以散寒回陽又以口氣補
接母口之氣又以附子作餅執貼臍間時許神氣少
甦以參朮附子為末仍以是藥加陳皮煎膏為丸如
粟米大入五七粒于口隨津液嚥下即不嘔二日後

五十一
六十三
二十三

加至十粒諸病少退甘涎不止五日後漸服前劑一
二匙胃氣少復乃思粥飲後投以參朮等藥溫補脾
胃五十餘劑而愈 孫一婦人三十五歲無子恐夫
娶妾致鬱經不行者三月矣病腹痛惡心諸醫皆云
有孕其夫亦粗知醫舉家欣喜治以安胎行氣止痛
之藥服三五十貼不效痛苦益甚凡未申時發寒熱
腹中有塊如彈子大者二三十枚翻騰作痛行動則
水聲漉漉痛極則吐酸水五六碗吐盡則塊息而寒
熱除痛亦不作明日亦然又作瘡治轉劇召予診左
手弦尺濇右手濡弱重取則滑尺同左時經已五月

不行矣予曰此鬱病也豈有濇脉成孕之理若然則
前藥當効矣其夫亦悟乃為製方以二陳加香附山
梔撫芎玄胡當歸紅花之類藥進而痛止連與四貼
皆効但藥止則痛發如故調治一月不能除根予因
持脉案見先師黃古潭先生先生乃諭予曰此鬱火
病也其病起于肝膽蓋肝主謀慮膽主決斷謀不決
則鬱生鬱生則木盛木盛則凌脾脾傷則不能運化
精微而生氣血以故月水不來也肺金失於母養則
降殺之令不行木寡于畏而侮所不勝是以直衝犯
清道以作吐也吐後諸證皆減者木升而火息也為

區士 女科三 三十一

裁一方以黃芪五錢柴胡參錢白芍藥貳錢甘草壹
錢陳皮貝母枳實各五分薑叁片一劑而寒熱除再
劑而痛減吐止水聲亦絕七日不發其夫喜曰是何
神速也乃拉子復請命于先生先生曰夫寒熱者少
陽膽也吐酸者厥陰肝也痛而腹塊翻騰者火盛激
動其水如鍋中湯滾泡浪沸騰是也吐多則肺金愈
傷故用黃芪補肺金為君使得以制肝木以柴胡瀉
肝為臣以升發其膽火經曰木鬱則達之達是通達
之義夫木性上升者也既鬱則不升故用柴胡升發
膽肝之清氣使衝開其鬱結以復其常又曰過者折

之以其畏也所謂瀉之補肺制肝正謂此也又曰泄
其肝者緩其中以甘草緩中為佐又曰木位之主其
瀉以酸以白芍藥于脾中瀉木為臣病久生鬱鬱久
則生涎以貝母陳皮枳實開鬱逐涎為禪使然後金
得其正木得其平土得其安由是病去而愈速前方
用山梔黃連之類皆降下之藥火勢正熾豈區區寒
涼所能抑哉故經曰輕者正治重則從其性而升之
但凡治病要當識得此意
益智子散 治婦人脾胃久虛氣弱多欲嘔吐全不
下食四肢無力

益智 壹兩

附子炮

縮砂仁

丁香

厚朴

黃芪

白朮

白茯苓

陳皮

川芎

良薑

藿香葉

當歸 各半

人參

桂心 各半

右咬咀每服參錢薑叁片棗壹枚水壹盞煎至七分去滓無時溫服

香散 治婦人臟腑虛冷脾胃氣弱食則嘔吐水穀不消

丁香 白朮 縮砂仁

草果仁

白豆蔻

橘皮 各半

當歸

訶子皮

甘草 各半

藿香葉

神麴

右為細末每服貳錢

前薑棗湯調下

竹茹湯 治胃熱嘔吐

乾葛 叁兩

半夏

湯洗柒次薑汁半盞漿水壹升煮耗一半取柒錢半

甘草 柒錢半

右咬咀每服五錢水貳盞薑叁片竹茹雞彈大棗

子壹枚煎至壹盞去滓溫服 許學士云胃熱者

手足心熱政和中一宗人病傷寒得汗身涼數日

後忽嘔吐藥與飲食俱不下醫者皆用丁香藿香
滑石等藥下吐即吐予曰此正汗後飲熱留胃脫
孫兆竹茹湯正相當爾亟治藥與之即時愈
良方槐花散

皂莢

白礬

槐花炒令黃
黑色

甘草各等分

右為細末白湯調下貳錢

許仁則半夏丸 療積冷在胃嘔逆不下食方

半夏壹升真熊州
者洗去滑

小麥麵壹升

右搗半夏為散以水搜麵丸如彈子大以水煮令

麵熟則是藥成初吞四五丸日二服稍加至十四

五丸旋煮旋服此覺病減欲更合服亦佳忌羊肉

錫

又依前半夏丸雖覺漸損然病根不除欲多合前丸

又慮藥毒不可久服欲不服又恐病滋蔓宜合人

參七味丸服之

人參七味丸

人參

白朮各伍兩

厚朴炙

細辛各肆兩

生薑捌兩

橘皮叁兩

桂心貳兩

右為細末煉蜜丸如梧桐子大飲下拾丸漸加至
貳拾丸與半夏丸間服亦可忌桃李雀肉生葱生
菜

補遺治男子婦人一切嘔吐五苓散內除桂加半夏
末如桂分兩每服壹錢以生薑自然汁調搜和如
麵候半時久再以白沸湯一小盞調開溫服五苓散方

見傷寒準繩渴門

青金丹 治一切嘔吐不已

硫黃 貳錢

水銀 壹錢

入銚內慢火熬化以木篦子撥炒成砂再入乳鉢

研黑不見星以薑汁糊丸如菉豆大每服貳叁十
丸米飲下

人參安胃散 治脾胃虛熱嘔吐泄瀉或飲食不入

人參 壹錢

黃芪 炒貳錢

生甘草

炙甘草 各伍分

白茯苓 肆分

陳皮 叁分

黃連 炒貳分

右水煎服

貳拾九頭半夏丸開服亦可忌桃李雀肉生葱生

神效木煎服婦人一切嘔吐五苓散內除桂加半夏

木刺丸參合黃蘗清合白芷清合白芥苓參合

炙甘草各五合白芍藥參合白芥苓參合

入參壹錢黃芩壹錢生甘草

入參安胃端一飲朝胃益焦即吐脈微如增食不化

水米不化壹錢黃芩壹錢生甘草

霍亂

大嘔吐而利者名霍亂也原疾之由皆因腸胃虛冷
飲食過度觸冒風冷使陰陽不和清濁相干致令揮
霍變亂也或先心痛而吐者或先腹痛而利者或吐
利俱作者或頭痛身體壯熱而脈浮洪者或陽氣暴
絕而手足逆冷而脈息微絕者治之當分陰陽察其
虛實辨其冷熱觀其脈息熱者涼之冷者溫之以平
為期百問云凡霍亂吐利熱多而渴者五苓散寒多
不飲水者理中丸吐利已汗出而厥四肢拘急不解
脈微欲絕者通脈四逆加豬膽汁湯夏月間中暑霍

霍亂 女科三 二十九

亂大煩渴四肢逆冷冷汗出脚轉筋者香薷散濃煎
沉冷服即效
此霍亂之脈得浮洪者易治
微逆者并短氣者難治
薛賈元良
先生云暑者相火行冷也夏月人感之自口齒而入
傷心胞絡之經其證頭疼口乾面垢自汗倦怠少氣
或背寒惡熱甚者迷悶不省或霍亂吐利嘔啖腹痛
或下血發黃生痲等證治法清心火利小便為主若
自汗熱甚用白虎湯若頭疼惡寒用十味香薷散泄
瀉煩渴飲水吐逆用五苓散熱甚煩渴用益元散清
之若表解裏熱甚者用黃連解毒湯肌微下利作渴
喜溫或厥冷不省人事宜竹葉石膏湯加熟附半枚

冷飲次以來復丹五苓散治之故東垣云脾胃虛弱
遇夏月浮雨身重短氣甚則四肢痿軟脚酸眼黑當
滋肺氣以補水之源是以五月常服五味子人參麥
門冬之劑為熱傷元氣故爾丹溪所謂夏月伏陰在
內也蓋人之腹屬地巳月六陽盡出於地之上矣是
入之陽氣亦浮于肌表散于皮毛而腹中之陽虛矣
又加以涼臺水館大扇風車寒泉水果冰涼之物自
內及外不用溫熱病所由生陳無擇云凡中暍切不
得用冷藥惟用溫養得冷即死道途無湯即以熱土
熨臍中溺以熱尿即甦槩可見矣內經曰脈虛身熱

得之傷暑難經曰傷暑得之為正邪火自病也當惡
臭其病身熱而煩心痛其脉浮大而散傷寒論曰太
陽中暈者身熱頭痛而脉微弱或發熱惡寒而脉弦
細芤遲大抵寒傷形熱傷氣蓋傷氣而不傷形則氣
消而脉虛弱故先哲立法夏月宜補良有以也前證
若內有所積外有所感用二陳湯加減治之或蘿蔔
子搗碎服而吐之若飲米湯即死云云同前論若轉
筋不住男子以手挽陰女子以手牽乳近兩邊此千
金妙法也乾霍亂不得升降死在須臾當以鹽湯吐
之後以二陳湯加川芎蒼朮防風白芷薑煎服若卷

圖而不通加枳殼若食瓜果飲冷乘風霍亂用六和
湯倍加藿香大凡中暑而亡者皆因元氣虛弱暑熱
乘之以致泄瀉陽氣暴脫實為陰寒之證宜急補其
陽庶得保生緩則不救其他執為暑熱投以寒藥鮮
不誤事愚故以回陽固本之方繼之於後
加減理中丸 主霍亂臨時方亦可治男子

人參

白朮

乾薑

甘草 各壹兩

右為細末煉蜜為丸每兩作五丸取湯和壹丸服
之日參服 吐多利少者取枳實參枚炙去穰四

破水參升者取壹升和壹丸服之吐少利多者加
乾薑壹兩吐利乾嘔者取半夏半兩泡洗去滑
水貳升煮取壹升和壹丸服若體疼痛不可堪
者取棗參枚水貳升煮壹升和壹丸服吐利太
極轉筋者以韭汁洗腹腎從胸至足踝勿逆即止
若體冷微汗腹中寒取附子壹枚炮去皮四破
以水貳升煮取壹升和壹丸服吐利悉止脉不
出體猶冷者可服諸湯補之

四順湯 治霍亂吐利腹痛手足逆冷脉微欲絕

附子 壹枚破 乾薑 叁兩 人參

甘草 各壹兩

右咬咀水煎服

四逆加豬膽汁湯 治吐已下斷汗出而厥四肢拘

急不解脉微欲絕者

甘草 貳兩 乾薑 叁兩 附子 壹枚生用

豬膽汁 半合

右三味咬咀每服五錢水參盞煮至貳盞去滓內

豬膽汁分二次温服其脉即來

香薷散 治臟腑冷熱不調飲食不節或食腥膾生

冷過度或起居不節或露卧濕地或當風取涼而

霍亂

風冷之氣歸於三焦傳於脾胃脾胃得冷不能消
化水穀致令真邪相干腸胃虛弱因飲食變亂於
腸胃之間便至吐利心腹疼痛霍亂氣逆有先心
痛而吐者或先腹痛而利者有吐利俱發者有發
熱頭痛體疼而後吐利虛煩者或但吐利心腹刺
痛者或轉筋拘急疼痛者或但嘔而無物出者或
四肢逆冷脉微欲絕者或煩悶昏塞欲死者妊婦
霍亂吐利此藥悉能主之

香薷葉

肆兩

白扁豆

厚朴

各貳兩

右以咀每服半兩水壹大盞酒壹分慢火濃煎至

六分去滓井中浸令冰冷頓服無時候連併二三

服立見神效

蘇沈良方中名香薷散百問同有黃連無扁豆

訶子散 治老幼霍亂吐利一服取效又治九種心

痛及心脾冷痛不可忍

訶子皮

甘草

厚朴

乾薑

草果仁

陳皮

良薑

茯苓

神麴

麥門冬

各等分

右為細末每服貳錢候發刺痛不可忍用水壹盞

煎七分入鹽服急則鹽點

胡椒湯

治霍亂吐利甚妙

胡椒

肆拾

菜豆

壹百肆拾玖粒

右為細末每服貳錢木瓜煎湯調下

補遺凡霍亂身熱脉浮洪而渴者此必胃有熱宜竹茹湯吐止然後以五苓散不換金正氣散六和湯等治之或若陽氣暴絕四肢逆冷脉微欲絕可用理中湯理中丸治中湯之類甚者加附子如中暑霍亂吐利嘗以香薷散入半夏少許用生薑自然汁搜藥劑入銅銚炒乾再入好紅麴酒又搜潤藥又炒乾却入水壹盞半煎七分去滓井中浸冷服効

翻胃吐食

薛病機云吐有三曰氣積寒也皆從二焦論之上焦吐者從於氣氣者天之陽也其脉浮而洪食已暴吐渴欲飲水大便燥結氣上衝胸發痛其治法常降氣和中中焦吐者從於積有陰有陽食與氣相假為積而痛其脉浮而匿其證或先痛而後吐或吐而後作痛治法當以小毒藥去其積檳榔木香行其氣下焦吐者從于寒地之道也其脉沉而遲其證朝食暮吐暮食朝吐小便清大便秘而不通治法當以毒藥通其秘塞温其寒氣大便漸通復以中焦藥和之不令

大便秘結而自愈也王太僕曰食不得入是有火也
食入反出是無火也又發明曰噎者六腑之所主陽
也氣也塞者五臟之所主陰也血也二者皆由陰中
伏火而作也劉宗厚先生曰若三焦傳化失常所致
主於氣也若血虧胃脘乾稿所致因於血也塞猶填
塞不通之義故發明有治幽門不通噎塞不便通幽
湯例蓋陽無陰不能通化陰之失位而陽伏其中傳
化不變而反上行矣故前證或由飲食起居七情虧
損脾胃痰飲停滯中氣不運當以補中益氣湯雜病
勞倦
為主若鬱結傷脾用歸脾湯雜病
健忘加枳殼桔梗若恚

怒傷肝用小柴胡湯傷寒
少陽加梔苓參朮脾氣虛弱用

六君子雜病
虛勞加山梔枳殼氣血俱虛用八珍湯雜病
入

湯物加山梔半夏若用行氣之藥胸膈痞悶用六君芩

歸之類若過用香燥之劑而大便結燥用四物通參
治

朮之類若飲食不能入用六君山梔吳茱萸治黃連

若食入而反出用六君炮薑白芍菴黃連製吳茱萸

若痰滯而食反出六君枳殼桔梗若飲食少思大便

不實胸膈痞悶吞酸噯腐食反不化是為脾胃虛寒

用東垣補真丸或八味丸雜病
虛勞若發熱煩熱身惡風

寒腹畏熱食或手足俱冷胸滿腹脹是內真寒外假

熟用神効附子丸本條或八味丸大凡嘔吐善食喜飲冷水是為有火嘔吐少食喜飲熱湯是為無火當審其因而治之一婦人患前證胸腹痞悶得失後或泄氣稍寬余曰此屬脾氣鬱結而虛弱也當調補為善不信乃別用二陳枳實黃連之類不應又用香燥破氣前證益甚形氣愈虛余用加味歸脾湯即本方加柴胡調治半載而痊一婦人患前證胸脇脹悶或小腹不利或時作痛小便清滯余曰此肝火血虛也當清肝火生肝血養脾土生肺金以余言為迂別服利氣化痰等劑前證益劇虛證益起余用加味道遙

青經加味歸湯兼服尋愈一婦人患吐痰甚多手足常冷飲食少思余曰此肝脾鬱怒兼命門火衰不信另服化痰利氣之劑胸腹愈脹又服峻利疎導之劑余曰非其治也必變脾虛發腫之證急服金匱加減腎氣丸庶有可救不信反服沉香化氣等丸果發腫而歿

白堊散 治婦人翻胃吐食千金翼云不特治婦人男子亦可服一斤以上為妙

白堊土 以米醋壹升煨土令赤入醋內浸令冷再煨再浸以醋乾為度取壹兩研

乾薑 貳錢半

右為細末每服一錢米飲調下甚者貳錢

白芷散 治婦人翻胃吐食

右用白芷壹兩切作片瓦上炒令黃為細末用豬

血二十文切片以沸湯泡七次將血蘸藥喫七片

如剩藥末留後次用

太倉丸 治脾胃虛弱不進飲食反胃嘔吐

白豆蔻

縮砂仁 各貳兩

丁香 壹兩

陳倉米

壹升用黃土炒米赤去土不用

右為細末薑汁法丸梧子大每服六七十丸食後

淡薑湯下

青金丹 治嘔吐反胃等證每用叁拾丸煎生薑陳

皮湯吞下方見前

五苓散 治反胃發渴加半夏每四錢生薑五片煎

溫服方見傷寒渴

東垣補真丸

肉蓯蓉

酒浸焙

葫蘆巴

炒

附子

炮去皮

陽起石

煨

肉豆蔻

麩裏煨

兔絲子

淨洗酒浸蒸

川烏

炮去皮

沉香

五味子

各伍錢

鹿茸

酒浸炒

巴戟

去心

鍾乳粉

各壹兩

右為細末用羊腰子兩對治如食法葱椒酒煮搗

反胃上食

女科三

三七

爛入酒糊丸如梧子大每服七十九丸空心米飲鹽

湯任下

神効附子丸 治脾腎虛寒嘔吐或反胃膈噎

黑附子重壹兩肆伍錢端正底半尖圓壹枚灰火

炮皮裂入生薑自然汁內浸潤晒乾仍炮再入汁

浸潤仍晒再炮用薑汁半椀為度却去皮臍末

之以人參膏和丸如黍米大每服數丸津唾嚥下

胃氣稍復飲食稍進投以溫補之劑

艾湯吞下

青金丹 或脾土又胃華滋養用參苓或煎生薑梨

血膈

薛婦人血膈若氣逆而血滯用流氣飲膈若恚怒而

血逆用小柴胡湯傷寒少陽加山梔丹皮血虛用四物湯

通參朮柴胡山梔丹皮若鬱結而血傷用加味歸脾

山梔丹皮加兼加味道遙結核脾虛不能生血用六君子

雜病加歸芎胃虛不能生血用補中益氣湯雜病勞倦若

肝虛而不能藏血用補肝散兩脇脹痛如不應兼以六味

丸雜病勞倦若因脾肺虛用補中益氣湯如不應兼用六君

子加芎歸 一婦人患前證胸膈痞悶余曰此屬脾

經血虛遂用四君加芎歸調補脾氣尋愈又因怒兼

血膈

文

三

兩脇痞悶頭目不清月經旬餘未竭用加味道遙散
加釣藤治之復瘥一婦人患前證胸膈作痛面青
目割小便頻數或時寒熱此肝氣滯而血凝先用失
笑散二服痛止又用加味道遙散而愈一婦人所
患同前泛用行氣破血之劑以致不起

牡丹煎 治婦人血膈

牡丹皮

苦參

貝母 去心

玄胡索

白芍藥 各等分 為細末

煉蜜九梧子大每服拾五貳拾丸米飲吞下無時

抽刀散 治婦人血風血氣血膈等候 方見血崩

鼻衄

大夫婦人鼻衄者由傷動血氣所致也凡血氣調和
則循環表裏經絡澀則不散若勞傷損動因而生熱
氣逆流溢入於鼻者則成鼻衄也只有產後見衄者
不可治 凡鼻衄雖多因熱而得此疾亦有因怒氣
而得之者曾治趙恭人鼻衄不止諸治不差召子治
之先用蘇合香丸四粒次用五苓散濃煎白茅花湯
調服即止次用芩歸湯調理又有一富室男子鼻血
不止六脉洪數究竟云服丹藥太過遂用黃連黃芩
大黃為末水煎服之愈 調服亦可 薛前證若熱鬱於胃

鼻明

女科三

三十九

經用犀角地黃湯若伏暑於內用黃連香薷飲若大
怒血蓄于上用小柴胡湯若脾損不能攝血歸源用
歸脾湯大凡雜證見血多因陰分鬱熱或內有所傷
皆屬五志所動經曰諸見血身熱脉大者難治是火
邪勝也身凉脉靜者易治是正氣復也仍與後證同
用一婦人經素不調因怒衄血此肝火熾盛用加
味小柴胡熱入血室加紅花一劑血止又用加味道遙散
漸止飲食漸進用加味道遙散元氣漸復寒熱漸止
結八珍湯雜病虛勞兼服三十餘劑經行如期一
婦人鬱結而患前證用加味歸脾湯即歸脾加其血
漸止飲食漸進用加味道遙散元氣漸復寒熱漸止

後因怒仍衄寒熱往來用小柴胡湯傷寒太陽加芩歸丹
皮而愈一婦人因勞衄血服凉血之劑更致便血
或以血下為順仍用治血余曰此因脾氣下陷而血
從之當升補脾氣庶使血歸其經不信果血益甚余
朝用補中益氣維病勞倦夕用加味歸脾血愈此證用寒
凉止血不補脾肺而歿者多矣

刺薊散 治婦人鼻衄血流不止

刺薊 貳兩

桑耳

亂髮灰

艾葉

各壹兩

生地黃

貳兩

蒲黃

壹兩半

右為細末每服貳錢粥飲調下無時

鼻血
伏龍肝散 治男子婦人五臟結熱吐血衄血並皆治之

伏龍肝 各壹斤 竹茹 壹升

芍藥 黃芩 當歸

川芎 桂心 甘草 各貳兩

右咬咀以水壹斗參升煮竹茹減參升內藥煮取參升分為三服千金方無桂心

百問有茅花湯以白茅花濃煎飲之立止

一方擣生白茅根取汁壹合飲之止

又方取生葱心塞鼻中即定若因刺著并刀斧所

傷血不止者並用之立定

又方取釜底墨細研入鼻中

又方取亂髮灰細研以竹管吹入鼻中立止

又方取龍骨為末吹入鼻中立止

四物湯加側柏生地黃治虛熱吐血甚效若脾經血

虛須用四君加芎歸若脾經氣鬱須用歸脾湯若

肝腎虧損須用六味丸若氣血俱虛須用十全大

補湯

犀角地黃湯主熱鬱不解泛行經絡或流腸胃隨氣

涌泄以致衄血吐血或為便血並皆治之若實熱

鼻血 女科

熾甚加炒黃芩若去血過多或脾肺之氣虧損不能攝血歸源者急用四君子湯懷抱鬱結者用歸脾湯

枇杷葉散治暑毒攻心衄血嘔血或吐瀉作渴黃連

香薷飲亦可

四逆散治心脾主出黃命氣疏利血甚收昔轉惡血

又六 瓊蘆散為末入人鼻中立止

又六 瓊蘆散入鼻中以竹管吹入鼻中立止

又六 瓊金水墨除人鼻中

又六 血不止並用之立止

吐血

大婦人吐血者皆由臟腑傷損所致夫血者外行於

經絡內榮於臟腑若傷損氣血經絡則血虛行失於

常理氣逆者吐血又怒則氣逆甚則嘔血然憂思驚

恐內傷氣逆上者皆吐血也 薛前證若脾經鬱熱

用犀角地黃湯脾胃伏暑用黃連香薷飲 雜病 心脾

鬱熱用生地黃湯心氣耗損用茯苓補心湯肺氣勞

傷用雞蘇散思慮傷脾用歸脾湯 雜病 暴怒肝火用

加味小柴胡湯 血熱入 久怒肝傷六味地黃丸 雜病 脾

肺虛熱用麥門冬飲肝腎虛熱用六味地黃丸氣血

俱虛用十全大補湯經云肺朝百脉之氣肝統諸經之血必用甘溫之劑補其陽氣使血各歸其經如大吐血病毋論其脉急用獨參湯救之若潮熱咳嗽而而脉數者元氣虛而假熱之脉也皆由脾胃先損須用人參之類本草云人參治脾胃不足補中溫中瀉脾肺中火東垣先生云脾胃虛者心火亢甚而乘土位肺氣受邪須用黃芪最多人參甘草次之脾胃一虛肺氣先絕故用黃芪以益皮毛而閉腠理管治氣血虛弱用十全大補最善若用寒涼止血胃氣反傷無不致禍一老婦每作先飲食不進或胸膈不利

或中脘作痛或大便作瀉或小便不利余以為肝脾之證用逍遙散加山梔茯苓神遠志木香而愈後鬱結吐紫血每作先倦怠煩熱以前藥加炒黑黃連叁分吳茱萸貳分頓愈復因怒吐血甚多燥渴垂死此血脫也法當補氣乃用人參壹兩苓朮當歸各叁錢陳皮炮黑乾薑各貳錢炙甘草木香各壹錢一劑頓止又用加味歸脾湯調理而痊一女子懷抱素鬱胸滿食少吐血面赤用六味丸及歸脾加山梔貝母芍藥而愈一婦人為哭母吐血咳嗽發熱盜汗經水不行此悲傷肺思傷脾朝服補中益氣湯雜病加勞倦

吐血

女科三

四三

桔梗貝母知母夕用歸脾湯吞六味丸而愈

鷄蘇散 治婦人吐血心煩昏悶

雞蘇葉 壹兩

阿膠

刺薊

生地黄 各壹兩

黃芪

麋羊角屑

茜根

甘草 各半兩

麥門冬

黃芩

當歸

伏龍肝 各柒錢

右為粗末每服四錢水壹盞薑叁片竹茹半雞子

大煎至六分去滓溫服

又方 治婦人虛損氣逆吐血不止

雞蘇葉

黃芩 各壹兩

當歸

赤芍藥 各半兩

伏龍肝

阿膠 各貳兩

右為粗末每服四錢水壹盞煎六分去滓溫服

治婦人熱毒上攻吐血不止

生藕汁

刺薊汁

生地黄汁 各叁兩

生薑汁 半合

白蜜 壹合

右和煎三兩沸以壹小盞調炒麵壹錢服無特

千金翼治吐血百方不瘥療十瘥神驗不傳方此

藥性治熱毒吐血有效

地黄汁 半升

生大黃末 壹方寸匕

右煎地黄汁三兩沸調大黃末令勻分為三服

吐血

又方 伏龍肝研極細每服貳錢新汲水調下頻服

取効

又方 白茅根壹握長陸寸以水壹大盞煎七分去滓服

又方 桂心末為水調方寸匕日夜可二十服

又方 生地黄切參升阿膠貳兩蒲黃陸合以水五升煮

取參升分三服 予嘗治一人吐血診其脉肝部

弦氣口濡此因怒極而得之遂用蘇合香丸和雞

蘇丸服即効養生必用方云凡吐血須煎乾薑甘

草湯與服或四物理中湯亦可如此無不愈者服

生地黄竹茹藕汁去生便遠

柔脾湯 治虛勞吐血衄血下白汗出方出養生

甘草

白芍藥

黃耆

各壹兩 必用

熟地黄參兩

右為末每服四錢水酒各壹盞已上煎至七分去

滓取清汁六分溫服食前 予嘗治一女人年十

九歲月經不行以藥通之遂妄行而嘔血諸藥不

効察其人肥脉不大不小投以四生丸即安 又

治一男子因飽低頭負重吐血諸藥無効亦投四

生丸及青餅子即安更不發嘗觀初虞世治吐血

不喜用竹茹生地黄藕汁然亦不可拘泥此說如

吐血

女科三

四十五

陽乘於陰血得熱則流散經水沸溢宜服涼藥以解之大黃犀角生地黃生艾藕汁等豈得無効若陰乘於陽所謂天寒地凍水凝成冰宜服溫藥以煖之乾薑肉桂豈能無効學者更宜思之

四生丸

療吐血凡吐血衄血陽乘於陰血熱妄行宜服此藥

生荷葉

生艾葉

生栢葉

生地黃

各等分

右爛研圓如鷄子大每服壹丸水參盞煎至壹盞去滓溫服無時候 陳日華云先公紹興初遊福

溝靈石寺主僧留飯食將竟侍者赴堂齋罷來侍

立見卓子不穩急罄折穩之舉首即嘔血蓋食飽

拗傷肺也明年再到寺問舊年嘔血者無恙否主

僧云得四生丸服之愈自得此方屢施有驗 薛

愚意前證乃內熱暴患用之有効若人病久本原

不足須補脾以滋化源否則虛火上炎金反受克

療熱甚嘔血者以犀角地黃湯局方小三黃湯以白

茅根煎濃湯飲之極妙

犀角地黃湯 治內有瘀血鼻衄吐血面黃大便黑

芍藥 半錢

生地黃 半斤

牡丹皮 去心淨 壹兩

犀角屑壹兩如無以川升麻代

右咬咀每服伍錢水煎服有熱如狂者加黃芩貳兩

青餅子 治咯血

青黛

杏仁各壹兩華作方以牡蠣粉炒杏仁去皮尖牡蠣不用

右一處同研成膏熔黃蠟和作叁拾餅子每服壹

餅子用乾柿半箇夾定以濕紙裹煨令香同嚼粥

飲下無時

乾薑甘草湯 若陰乘於陽心肺經寒而嘔血者宜

服

甘草

乾薑各半兩

右咬咀水煮頓服 局方理中湯亦妙

花藥石散 予嘗見一婦人苦此疾百藥不效以童

子小便和酒調下真花藥石散不數服而愈

烏金散 治吐血不已每服貳錢米飲下即催生如神散方見

後

濟生雞蘇散 治勞傷肺經唾中有血咽喉不利

雞蘇葉

黃芪炒

生地黃

阿膠炒

貝母

白茅根各壹錢

桔梗炒

麥門冬去心

蒲黃炒

甘草 炙各五分

右薑水煎服

生地黃散 治鬱熱衄血咯血吐血陰虛而不能愈者

枸杞子

柴胡

黃連 炒

地骨皮

天門冬 去心

白芍藥

甘草 炒

黃芩 炒

黃芪 炒

生地黃

熟地黃 自製各五分

右水煎服

下血加地榆

三因茯苓補心湯 治面色黃悴五心煩熱咳嗽吐

血

半夏

前胡

紫蘇

茯苓

人參

枳殼 麸炒

桔梗 炒

甘草 炒

乾葛 各五分

當歸

川芎

陳皮

白芍藥 各壹錢

熟地黃 自製壹錢半

右薑棗水煎服

麥門冬飲子 治氣虛吐血或氣虛不能攝血

五味子 杵拾筒

麥門冬 去心

黃芪 炒各壹錢

當歸身

人參

生地黃 各半錢

右水煎服

十全大補湯 治胃氣虛弱吐血衄血便血不止以

致外證惡寒發熱自汗盜汗食少體倦或寒熱作

渴頭疼眩暈而似中風或氣血俱虛胸腹脇痛或

骨節作痛經候不調或寒熱往來發熱晡熱或五

心發熱咽乾舌燥或痰嗽喘促胸膈虛痞或嘔吐

泄瀉手足冷熱等證方見雜病

茯苓

入參

附子

半夏

前胡

紫菀

積聚癥瘕

古方有五積六聚七癥八瘕之名五藏之氣積名曰

積故積有五六府之氣聚名曰聚故聚有六雜病準

繩言之詳矣若夫七癥八瘕則婦人居多七者火數

屬心蓋血生於心入者木數屬肝蓋血歸於肝雖曰

強分理似不混夫癥者堅也堅則難破瘕者假也假

物成形古人將婦人病為痼疾以蛟龍等為生瘕然

亦不必如此執泥婦人癥瘕並屬血病龍蛇魚鼈肉

髮蟲瘕等事皆出偶然但飲食間誤中之留聚腹臟

假血而成自有活性亦猶水微中僧病噎者腹中有

一物其狀如魚即生瘕也與夫宿血停凝結為痞塊雖內外所感之不同治法當以類相從所為醫者意也如以散梳治蝨瘕銅屑治龍瘕麩葉治米瘕石灰治酒瘕如此等類學者可以理解也 大全良方分瘕癖諸氣疝瘕八瘕腹中瘀血瘕痞食瘕血瘕凡七門瘕者在腹內近臍左右各有一條筋脈急痛大者如臂次者如指因氣而成如弦之狀故名曰瘕癖者僻在兩肋之間有時而痛故名曰癖疝者痛也瘕者假也其結聚浮假而痛推移乃動也八瘕者黃瘕青瘕燥瘕血瘕脂瘕狐瘕蛇瘕鼈瘕積在腹內或腸胃

之間與臟氣結搏堅牢雖推之不移名曰瘕言其病形可徵驗也氣壅塞為痞言其氣痞塞不宜暢也傷食成塊堅而不移名曰食瘕瘀血成塊堅而不移名曰血瘕若夫腹中瘀血則積而未堅未至于成塊者也大抵以推之不動為瘕推之動為瘕也至夫疝與瘕癖則與痛俱痛即現不痛即隱在臍左右為瘕在兩肋之間為癖在小腹而牽引腰脇為疝恐學者一時難了未免淆濫故總叙而條析之 張戴人過譙遇一卒說出妻事戴人問其故答曰吾婦為室女時心下有冷積如覆杯按之如水聲以熱手熨之如水

續聚微瘕

女科三

五十

娶來已十五年矣恐斷我嗣是故棄之戴人曰公勿
黜也如用吾藥病可除孕可得卒從之戴人診其脉
沉而遲尺脉洪大而有刃非無子之候也可不踰年
而孕其良人笑曰試之先以三聖散吐涎一斗心下
平軟次服白朮調中湯五苓散後以四物湯和之不
再月氣血合度數月而娠二子戴人嘗曰用吾此法
無不子之婦此言不誣三聖散用防風瓜蒂各參兩
藜蘆壹兩為祖末以薑汁煎
服製煎法詳見儒門事親白朮調中湯用白朮茯苓
各澤瀉橘紅各半兩甘草壹兩乾薑官桂砂仁藿香
各貳錢半為末白湯化蜜調服貳
錢無時五苓散見傷寒渴門陽夏張主簿之
妻病肥氣初如酒杯大發寒熱十五餘年後因性急

悲感病益甚惟心下三指許無病滿腹如石片不能
坐臥鍼灸匪矣徒勞人耳乃邀戴人診之曰此肥氣
也得之季夏戊巳日在左脇下如覆杯久不瘳令人
發痰瘧以瓜蒂散吐之魚腥黃涎約一二缶至夜繼
用舟車丸通經散投之五更黃涎膿水相半五六行
凡有積處皆覺痛後用白朮散當歸散和血流經之
藥如斯涌泄凡三四次方瘳瓜蒂散舟車丸方見雜
病傷食痰飲二門通
經散用橘紅當歸甘遂以麵包不令透水煮百餘沸
用冷水浸過去麵臛乾三味各等分為細末每服叁
錢臨卧溫淡酒調下白朮散白朮黃芩當歸各等
分為末每服一二錢水煎食前服當歸散當歸杜
蒺藜等分為末米飲調服食前此吐薛新甫云
下兼施且甘遂等逐水太峻用者審之

續發散

女科三

五十一

婦人疝癖癥瘕大抵因飲食起居七情失宜虧損臟腑氣血乖違陰絡受傷循行失度所致羅謙甫云養正積自除必先調養使榮衛充實若不消散方可議下但除之不以漸則必有顛覆之害若不守禁忌縱情嗜慾其有不喪身者鮮矣一婦人內熱作渴飲食少思腹內初如雞卵漸大四寸許經水三月一至肢體消瘦齒頰似瘡脉洪數而虛左關尤甚此肝脾鬱結之證外貼阿魏膏午前用補中益氣湯雜病傷勞午後用加味歸脾湯即歸脾加山梔丹皮兩月許肝火稍退脾土少健午前補中益氣下六味丸雜病虛勞午後逍遙

散經下歸脾丸又月餘日用蘆薈丸本門二服空心以逍遙散下日晡以歸脾湯下喜其謹疾調理年餘而愈一婦人腹內一塊不時上攻或作痛有聲或不酸痞悶月經不調小便不利二年餘矣面色青黃余以蒸肝脾氣滯以六君加芎歸柴胡炒連木香吳茱各少許二劑却與歸脾湯送下蘆薈丸三月餘肝脾和而諸證退又與調中益氣湯加茯苓牡丹皮中氣健而經自調一婦人性多鬱善怒勤於女工小腹內結一塊或作痛或痞悶月經不調恪服伐肝之劑內熱寒熱胸膈不利飲食不甘形體日瘦牙齒蝕

爛此脾土不能生肺金肺金不能生腎水腎水不能
生肝木當滋化源用補中益氣湯六味丸至神春而
愈一婦人經候過期發熱倦怠或用四物黃連之
類反兩月一度且少而成塊又用峻藥通之兩目如
帛所蔽余曰脾為諸陰之首目為血脈之宗此脾傷
五臟皆為失所不能歸於目也遂用補中益氣濟生
歸脾二湯專主脾胃年餘而愈松江太守何恭人
性善怒腹結一塊年餘上齶蝕透血氣虛極時季冬
肝脈洪數按之弦緊或用伐肝木清胃火之藥余曰
真氣虛而邪氣實也恐伐肝木至春不能發生耳用

八珍湯以生氣血用地黃丸以滋腎水肝脈頓退因
大怒耳內出血肝脈仍大煩熱作渴此無根之火也
仍以前藥加肉桂二劑脈歛熱退復因大怒果卒於
季冬辛巳日乃金剋木故也

通治諸積 順氣九簡 治三十六種風七十二般氣

去上熱下冷腰脚疼痛四肢困倦減食羸瘦顏色
赤黃惡瘡下疳口苦無味憎寒毛聳癢癖氣塊男
子世事斷絕女子久無子息久患瘧痢發成勞疾
百節痠疼自嬰孩至百歲老人皆可服疎風順氣
補精駐顏

積聚微瘕 女科三 卷三

錦紋大黃伍兩一半生用 車前子貳兩

白檳榔貳兩 火麻子仁微炒赤退殼取

川牛膝酒浸 郁李仁泡去反 山藥

兔絲子酒蒸研碎 山茱萸肉 防風

枳殼炒 獨活各壹兩

右為細末煉蜜丸如梧子大茶清粥飲下貳十九

百無所忌空心臨卧服一月消食二月去腸內宿

滯三月無倦少睡四月精神強盛五月耳目聰明

六月腰脚輕健一年消百病如服藥臟腑微動以

羊肚肺羹補之

勝紅丸簡 治脾積氣滯胸膈滿悶氣促不安嘔吐

清水丈夫酒積女人脾血積氣小兒食積

陳皮 青皮 京三稜

莪茂貳味同 乾薑炮 良薑炒各

香附子淨炒各 一方加神麩麥芽

右為末醋糊丸如梧子大每服叁拾丸薑湯下

虛者宜以補藥下之

香稜丸生 治一切積聚破痰癖消癥塊

木香 丁香各半 三稜酒浸

枳殼炒 莪茂細剉每壹兩用巴豆叁拾

貴後教復 女科三 五

去巴豆不用 青皮製 川棟子肉炒

麝香炒各等分

右末之醋煮麵糊丸如梧桐子大朱砂為衣每三拾丸薑鹽湯或溫酒下無時

大消石丸 治疔瘰入瘻聚結杯塊及婦人帶下絕

產腹中有瘰瘻者當先下此藥但去瘰瘻令人不

困

消石參兩 大黃肆兩 人參

甘草各壹兩

右為末以三年苦酒參升置銅石器中先內大黃

微火熬微沸常攪不息至七分內餘藥復熬成膏

至可丸即丸如梧桐子大每服參拾丸米飲下三

日一服婦人服之或下如雞肝或如米泔赤黑等

物二三升後忌風冷

阿魏膏 治一切痞塊

羌活 獨活 玄參

官桂 赤芍藥 穿山甲

生地黄 兩頭尖 大黃

白芷 天麻各伍錢 槐柳桃枝各叁錢

紅花肆錢 木鼈子拾枚去殼 亂髮壹團如雞子大

右用香油二斤四兩煎黑去粗入髮煎髮化仍去粗徐下黃丹煎軟硬得中入芒硝阿魏蘇合油乳香沒藥各伍錢麝香參錢調勻即成膏矣攤貼患處黃丹須用真正者方効凡貼膏藥先用朴硝隨患處鋪平半指厚以紙蓋用熱熨斗熨良久如硝耗再加熨之二時許方貼膏藥

八瘕病源曰八瘕者皆胞胎生產月水往來血脉精氣不調之所生也腎為陰主開閉左為胞門右為子宮主定月水生子宮之道胞門子宮精神氣所出入合於中黃門玉門四邊主持關元禁閉子精臍下

三寸名曰關元主藏氣媿婦人之胞三焦之府常赤從止然婦人經脉俞絡合調則月水以時來至故能生子而無病婦人榮衛經絡斷絕不通邪氣便得往來入合於臟若生血未盡而合陰陽即令婦人血脉攣急小腹重急支滿胸脇腰背相引四肢痠痛飲食不調結牢惡血不除月水不時或月前月後因生積聚如懷胎狀邪氣甚盛者令人恍惚多夢寒熱四肢不欲動陰中生氣腫內生風甚者小便不利苦痛如淋狀面目黃黑歲月久即不復生子也 薛氏曰經云氣主虛之血主濡之若血不流則凝而為瘕也瘕

者中雖硬而忽聚忽散多因六淫七情飲食起居動
傷臟腑而成當與痲痺諸證治同慎勿復傷元氣
黃瘕者婦人月水始下若新傷墮血氣未止卧寢未
定五臟六腑虛羸精神不足因向大風便利陰陽開
闔關節四遠中於風濕氣從下上入于陰中稽留不
去名為陰虛則生黃瘕黃瘕之聚令人苦四肢寒熱
身重淋露卧不欲食左脇下有氣結牢不可得抑若
腰背相引痛月水不利令人不產小腹急下引陰中
如刺不得小便或時寒熱下赤黃汁令人無子當刺
關元氣衝行以毒藥瘕下即瘳

皂莖散聖惠療黃瘕導方

皂莖壹兩炙去皮子 蜀椒壹兩去汗 細辛壹兩半

右搗散以三角囊大如指長二寸貯之內陰中欲
便悶則出之已則復內之惡血畢出乃洗以溫湯
三日勿近男子忌生菜等

青瘕者婦人新產未滿十日起行以浣洗太早陰陽
虛玉門四邊皆解散子戶未安骨肉皆痛手臂不舉
飲食未復內臟吸吸又當風卧不自隱蔽若居濕席
令人苦寒洒洒入腹煩悶沉淖惡血不除結熱不得
散則生青瘕瘕聚在左右脇下藏於背脊上與肩胛

積聚瘕瘕

女科三

五十七

腰下攣急腹下有氣起喜唾不可多食四肢不欲動
搖手足腫而目黃大小便難其後月水為之不通利
或不復禁狀如崩中此自過所致令人少子療之當
刺胃管行以毒藥有法瘕當下即瘳
療青瘕導藥方

戎鹽壹升

皂莖半兩去皮子炙

細辛壹兩

右搗散以三角囊大如指長三寸貯之內陰中但
卧瘕當下青如葵汁養之如產法

燥瘕者婦人月水下惡血未盡其人虛憊而以夏月
熱行疾步若舉重移輕汗出交流氣血未平而復以

復字一本卒作

志怒致腹中猥咽不洩經脈攣急內結不舒煩滿少
力氣上達胸膈背脊少腹壅急月水與氣俱不通利
而反以飲清快心月水橫流溢入他臟不去有熱則
生燥瘕之聚大如半杯上下腹中苦痛還兩脇下上
引心而煩害飲食欲嘔吐胃及腹中不得太息腰背
重喜卧盜汗足瘦削久立而痛小便失時忽然自出
若失精月水閉塞大便澁難病如此者其人少子瘳
之以長鍼按而刺之法度行以毒藥瘕當下即瘳
療燥瘕方

大黃如雞子許

乾薑各貳兩

黃連叁兩

雞胫脰中黃膜

壹枚炙

桂心

壹尺

麝蟲

參枚熬

厚朴

拾顆炙

郁李仁

壹兩去皮炙

右搗散早朝空腹以溫酒壹盞和參錢頓服瘕當

下畢養之如產婦法三月勿合陰陽無子者當有

血瘕

者婦人月水新下未滿日數而中止因飲食過

度五穀氣盛溢入他臟若大饑寒吸吸不足呼吸未

調而自勞動血下未定左右走腸胃之間留絡不去

內有寒熱與月水合會為血瘕之聚令人腰痛不可

以俛仰橫骨下有積氣牢如石少腹裏急苦痛背脊

疼深達腰腹下攣陰裏若生風冷子門僻月水不時

乍來乍不來此病令人無子瘕之瘕當下即瘳

瘕婦人血瘕痛方聖惠

乾薑

烏鰂魚骨

各壹兩炙

桃仁

壹兩去皮尖

右搗散酒服二方寸七日

二方無桃仁

又方取古鐵秤鎚或大斧頭或鐵杵以炭火燒令

赤投好酒三升中飲之

瘕婦人血瘕攻刺腹脇時痛導藥方

大黃

當歸

各半兩

山茱萸

皂莢

去皮弦各壹兩

細辛

戎鹽

各貳錢半

右搗以香脂丸如指大每用一丸綿裹內陰中正

坐良久瘕當下養如乳婦法

桃仁煎本治婦人血瘕血積經候不通

桃仁

大黃各壹兩

蟲蟲半兩炒黑

川朴硝另研

右四味為末以醇醋貳升半銀石器中慢火煎取壹升五合下大黃蟲桃仁等不住手攪煎至可丸下朴硝攪勻出之丸如梧桐子大前一日不用喫晚食五更初用温酒吞下五九日午取下如赤豆汁或如雞肝蟹墓衣之狀未下再作如鮮血來即止續以調補氣血藥補之頃年在毗陵有一

貴官妻患小便不通臍腹脹不可忍眾醫皆作淋

治以八正散之類愈甚予診之曰此血瘕也非

眩藥不可去用此藥更初服至日午大痛不可忍

遂卧少頃下血塊如拳者數枚小便如黑豆汁一

二升痛止得瘕此藥治病的切然猛烈傷人氣

虛血弱者不可輕用也

三稜煎選治婦人血瘕血癥食積痰滯

三稜

莪茂各貳兩

青橘皮去白

半夏

麥芽炒各壹兩

右用好醋六升煮乾焙為末醋糊丸如梧桐子大

每服參四十九淡醋湯下痰積多薑湯下

脂癭者婦人月水新來若生未滿三十日以合陰陽絡脉分胞門傷子戶失禁關節散五臟六腑津液流行陰道潤動百脉關樞四解外不見其形子精與血氣相遇犯禁子精化不足成子則生脂癭之聚令人支滿裏急痺引少腹重腰背如刺狀四肢不舉飲食不甘卧不安席左右走腹中切痛時瘥時甚或時少氣頭眩身體解休苦寒惡風膀胱脹月水乍來乍去不如常度大小便血不止如此者令人無子瘥之當刺以長鍼行以毒藥瘥當下即瘥

瘥脂癭方聖惠

皂莢朱錢半
去皮子

礬石燒貳
錢半

五味子

蜀椒去汗

細辛

乾薑各半兩

右搗散以香脂和如大豆著男子陰頭以合陰陽

不三行其瘥即瘥

導散方聖惠

皂莢炙去
皮子

吳茱萸

當歸各壹兩

蜀椒去汗

乾薑

大黃

戎鹽各貳兩

細辛熬

礬石燒

五味子各貳分

右搗篩為散以輕絹袋如指大長三寸盛藥令滿
內陰中坐卧隨意勿行走小便時去之別換新者
狐瘕者婦人月水當日數來而反悲哀憂恐若以遠
行逢暴風疾雷雨電驚恐衣被沉溼罷倦少氣心中
恍忽不定四肢懈惰振寒苦寤寐氣絕精神游亡邪
氣入於陰裏不去則生狐瘕之聚食入子臟令人月
水閉不通少腹淤滯胸脇腰背痛陰中腫小便難胞
門子戶不受男精不藏氣盛令人嗜食欲嘔喜唾多
所思如有身狀四肢不舉有此病者終身無子其瘕
有手足成形者殺入未成者可療以長針急持刺之

行以毒藥有法瘕當下即瘳

療狐瘕方

右取新死鼠壹枚裹以新絮塗以黃土穿地坎足
沒鼠形置其中桑薪火灼其上一日一夜出之研
為末內桂心末貳錢半酒服二方寸七病當下甚
者不過再服瘥

者婦人月水已下新止適閉未復胞門子戶勞
傷陰陽未平榮衛分行若其中風暴病羸劣飲食未
調若起行當風及度泥塗因衝寒太早若坐溼地名
陰陽亂腹中虛若遠行道路飲汗井之水食不潔之

食吞蛇鼠之精留絡不去因生蛇瘕之聚上食心肝
長大其形若漆在臍上下遂疔左右脇不得吐氣兩
股脛間苦疼少腹多熱小便赤黃膀胱引陰中攣急
腰目俱痛難以動作喜發寒熱月水或多或少有此
病者不復生子其瘕手足成形者殺人未成者可治
瘕有法行以毒藥瘕當下即瘳
瘕蛇瘕方聖惠

大黃

黃芩

芒硝 各半兩

甘草

大如指
壹尺多

烏鰂魚骨

貳枚

皂莢

陸枚去皮
弦子酥炙

右搗以水六升煮之三數沸絞去滓下硝適寒溫

服之十日一劑空腹服之瘕即下

瘕者婦人月水新至其人劇作罷勞汗出衣服潤
溼不以時去之若當風睡足踐溼地恍惚覺悟蹠立
未安顏色未平復見所好之開竟竟感動五內
脫消若入水澆洗沐浴不以時出而神不守水精與
邪氣俱入至三焦之中暮玉門先閉津液妄行留絡
不丟因生鼈瘕之聚大如小擘令人少腹內切痛惡
氣左右走上下腹中苦痛若存若亡持之躍手下引
陰裏腰背亦痛不可以息月水不通面目黃黑脫聲
少氣有此病者令人絕子其瘕有手足成形者殺人

未成者可治療有法度以長鍼按療之行以毒藥瘕

當下即瘕

瘕瘕方聖惠

大黃 壹兩半

乾薑

側子 各半兩

附子

人參 各叁錢 柒分半

麝蟲 壹寸七熬

桂心

壹兩貳錢半

細辛

土魷 各柒錢半

白朮

壹兩

右搗散以酒服方寸匕日三

治瘕瘕及心腹宿瘕或卒得瘕

右以白雄雞屎無問多少小便和之於器中火上

熬令燥末服方寸匕多服不限度以膏熬飯飼彌

佳

大婦人瘕瘕由飲食失節脾胃虧損邪正相搏

積於腹中牢固不動有可瘕驗故名曰瘕氣道壅塞

故名曰瘕得冷則發冷入子臟則不孕入胞絡則月

水不通 薛前證若脾胃虛弱用六君子加芎歸方

雜病雜病若肝脾虛弱用補中益氣雜病傷及歸脾湯雜病

健忘若肝火鬱滯佐以蘆薈丸方見幼地黃丸即六味

虛外貼阿魏膏前見患者須慎七情六淫飲食起居治

者不時審察病機而藥之庶幾有效

穿山甲散全大 治婦人癥痞及惡血氣攻心腹疼痛

面無顏色四肢瘦弱全

穿山甲灰炒 鼈甲醋炙

赤芍藥

大黃炒 乾漆炒令煙盡

桂心各壹兩

川芎 芫花醋炒

當歸各半兩

麝香貳錢半另研

右為細末入麝和勻每服壹錢熱酒調下無時

蓬莪茂丸全大 治婦人癥痞腹脇妨痛令人體瘦不

思飲食

莪茂米錢半 當歸焙 桂心

赤芍藥 檳榔 昆布

琥珀研 枳殼 木香各半兩

桃仁 鼈甲 大黃各壹兩

右為末煉蜜丸如梧子大食前米飲下貳拾丸

丁香丸全大 治婦人癥痞結塊不散心腹疼痛

雄雀糞炒黃 鼈甲各壹兩 礞砂

當歸焙 芫花醋炒乾 巴豆貳分半去皮心油

右為末研令停醋煮麵糊丸如小豆大當歸酒下

參丸

桃仁散普濟 治婦人癥痞心腹脹滿不能飲食體瘦

續命散 女科三 六十五

無力

桃仁 壹兩湯浸去皮尖雙仁者麝炒令微黃

訶子皮

白朮

赤芍藥

當歸 各半

京三稜 剉微炒

龍甲 醋炙去裙

陳皮 湯浸去白

右為散每服叁錢水壹盞入生薑壹錢叁分煎至

六分去滓食前稍熱服

右方皆攻積之藥性多獷悍用者慎之如薛氏

食癥 婦人臟腑虛弱月候來時食生冷之物脾胃既

虛不能消化與臟氣相搏結聚成塊日漸生長盤牢

不移故謂之食癥也 薛前證若形氣虛弱須先調

補脾胃為主而佐以消導若形氣充實當先疏導為

主而佐以補脾胃若氣壅血滯而不行者宜用烏藥

散散而行之 散用烏藥莪朮醋浸炒桂心當歸桃仁青皮木香各等分為末每貳錢熱酒調

脾氣虛而血不行者宜用四君等歸補而行之

方見維 若脾氣鬱血不行者宜用歸脾湯 維病健忘解而

行之若肝脾血燥而不行者宜用加味逍遙散 結核清

而行之大抵食積痞塊之證為有形蓋邪氣勝則實

真氣奪則虛當養正闢邪而積自除矣雖然堅者削

之客者除之胃氣未虛或少用若病久虛弱者不

可輕試也

硃砂丸全大

治婦人食癥久不消令人瘦弱食少

硃砂

青礞石

穿山甲炙

三稜炒

乾漆炒令烟盡

硫黃各半兩

巴豆叁拾枚去皮心炒不去油

右為末用軟飯丸如小豆大每服五丸生薑橘皮湯下

湯下

礞石丸全大

治婦人食癥塊久不消攻刺心腹疼痛

青礞石末

巴豆法去皮心油

朱砂

粉霜并研

木香末各貳錢半

硃砂半兩

右研令停以糯米軟飯和丸如棗豆大每服貳丸

空心溫酒下取下惡物為度

右方犯硃砂巴豆非胃氣強壯而積氣堅頑勢不兩立者不可輕用也

小三稜煎丸

治食癥酒癖血瘕氣塊時發刺痛全

不思食及一切積滯不消心腹堅脹痰飲嘔噦噫酸脇肋刺痛脾氣橫泄

三稜

莪茂各肆兩

芫花壹兩

右入甕器中用米醋五升浸滿封器口以灰火煨令乾取出稜木將芫花以餘醋炒令微焦同稜木焙乾為末醋糊丸如棗豆大每服拾五丸生薑湯

下婦人血分男子脾氣橫泄腫滿如水桑白皮煎湯下

血癥婦人寒溫失節臟腑氣虛風冷在內飲食不消與血氣相結漸生顆塊盤牢不移動者是也皆因血氣勞傷月水往來經絡痞塞惡血不除結聚所生久而不瘥則心腹兩脇苦痛害於飲食肌膚羸瘦問癥一也何以知是血癥曰血之外證脊悶煩躁迷忘驚狂痰嘔汗多骨熱肢冷其畜在下焦者必臍下結急外熱內痛尺脉洪而數也桃仁靈脂生地黃牛膝大黃甘草祛逐之薛前證多兼七情虧損五臟氣

血乖違而致蓋氣主噓之血主濡之脾統血肝藏血故鬱結傷脾志怒傷肝者多患之腹脇作痛正屬肝脾二經證也潔古云養正積自除東垣云人以胃氣為主治法當主於固元氣而佐以攻伐之劑必需之歲月若期速效投以峻劑反致有誤

加減四物湯方見雜病積聚當歸丸

牡丹散俱同上

大黃煎聖惠治婦人血癥血痕食積痰滯

川大黃柴錢半鼈甲壹兩醋炙牛膝去蘆壹兩

乾漆壹兩炒

積聚徵候

女科三

六八

右為末用米醋壹升煎為膏每服壹錢食前熱酒調下

腹中瘀血 婦人月經否澀不通或產後餘穢未盡因

而乘風取涼為風冷所乘血得冷則成瘀血也血瘀

在內則時時體熱面黃瘀久不消則為積聚癥瘕矣

薛前證若鬱結傷脾用加味歸脾湯方見雜病健忘若恚

怒傷肝用加味道遙散核結若產後惡露用失笑散方見

心若肝脾虧損用六君柴胡以補元氣為主方見雜病勞倦大

氣虛弱用補中益氣湯加茯苓半夏為主方見雜病勞倦大

凡腹中作痛畏手按者此內有瘀血若形體如常屬

病氣元氣俱實用桃仁承氣湯直下之方見傷寒畜血若痛

而肢體倦怠飲食少思此脾胃受傷屬病氣有餘元

氣不足用當歸散調和之方見雜病瘦血若痛而喜手按腹

形體倦怠飲食少思此形氣病氣俱不足用六君炮

薑芎歸純補之若痛而大便不實飲食難化此脾腎

虛寒用六君炮薑肉果溫補之若痛而作嘔少食此

脾胃虛弱用六君炮薑藿香若痛而嘔吐不食泄瀉

用六君加薑桂若兼手足逆冷自汗更加附子此證

多有因攻伐而致者

調榮湯 治瘀血不消臍腹引腰背俱痛

川芎

當歸

芍藥

地黃

生薑

三稜

義朮

白芷

延胡索

蒲黃

香附子

澤蘭葉

細辛

川白薑

厚朴

半夏

甘草

辣桂

桃仁

川當歸

牡丹皮

右剉散每服參錢薑棗煎食前服

川當歸散 理榮衛消瘀血出聲音治痰嗽

川當歸

牡丹皮

白芍藥

子芩

木通

華陰細辛

麥門冬

甘草

生地黃

右咬咀每服參錢水壹盞薑棗片煎至七分去滓

溫服

大黃湯 治婦人血瘀不消及撲損血瘀

大黃

桃仁

桂

郁李仁

生薑

地黃

一右麤搗篩每服參錢水酒各半盞同煎至七分去

滓溫服

琥珀散 治婦人經絡否塞腹內瘀血痛不可忍

續聚按

女科三

七十一

琥珀

乳香

沒藥

右三味各研取細末伍錢每服貳錢水酒各半盞煎至七分入地黃自然汁貳合再煎數沸去滓入溫酒服不拘時候

地榆散 治敗血

何嘗烏

肉桂

地榆

香白芷 各等分

右為麤末每服貳錢米泔宣蓋半沙糖壹小塊煎至八分去滓服空心食前

本草单方消瘀血 以生藕汁飲之 以琥珀刮屑

水服之

瘀血不散變成癰瘍生菴間蒿取汁

升服之

除腹中宿血以乾柿多食差 破宿血

用磨石燒黑熱投酒中飲之 紫荊木濃煮服之

大疝者在腹內近臍左右各有一條筋脉急痛

大者如管次者如指因氣而成如弦之狀名曰疝也

癰者為僻側在兩肋之間有時而痛故曰癰也二者

皆陰陽不和經絡痞隔飲食停滯不得宣流邪冷之

氣搏結不散得冷則發作疼痛

麝香丸 治婦人疝癰冷氣兼疰氣心腹痛不可忍

麝香 半兩 別研

阿魏 貳錢 半 麴裏煨令麴熟

五靈脂

桃仁

三稜 各米錢半

芫花 醋炒

檳榔 各壹兩

莪茂

桂心

沒藥

木香

當歸 各半兩

右為細末入麝香令勻粳米軟飯為丸如梧桐子大每服拾丸無時淡醋湯下

治婦人瘰癧及血氣等神效方

右以續緒肝壹具可及十兩者用巴豆五十枚去大皮札在肝內用醞醋參碗慢火熬肝極爛入京三稜末和就得所為丸如梧桐子大每服伍丸食

枚字一本粒作

前熟酒下肝熟後去巴豆不用 夫瘰癧癧瘰血

氣塊硬發欬刺痛甚則欲歿究而言之皆血之所

為僕管治一婦人血氣刺痛極不可忍甚而死一

二日方省醫巫併治數年不愈僕以葱白散烏雞

丸遂安又嘗治一婦人血氣作楚如一小盤樣走

注刺痛要一人伏定方少止亦用此一藥而愈尋

常小小血氣用此二藥亦有奇效故錄于後

葱白散 專治一切冷氣不和及本臟膀胱氣攻衝

疼痛大治婦人胎前後腹痛胎不安或血刺痛者

兼能治血臟宿冷百節倦痛肌體怯弱勞傷帶癖

久服盡除但婦人一切疾病最宜服此

川芎 當歸 枳殼

厚朴 桂心 乾薑

芍藥 舶上藜香 青皮

苦楝子 木香 熟地黃

麥牙 三稜 莪茂

茯苓 神麴 人參 各等分

右為細末每服叁平錢水壹盞連鬚葱白貳寸拍破鹽半錢煎至七分內大黃訶子宜相度病狀如大便不利入大黃同煎不入鹽如大便自利入訶

子煎 朱先生云此藥大治心氣脾疼用之見效

僕嘗以此藥治浮腫立效陳宜人病血氣作楚痛

不可忍服諸藥無效召僕診之兩關脉沉弱為肝

脉沉差緊此血氣漸成痙癖也只以此二藥治之

愈 四明馬朝奉後院亦病此用二藥亦愈

烏雞煎丸 方見通治諸疾

四等丸 聖惠 治婦人痙癖氣心腹疼痛飲食不消

川大黃 剉碎微炒 訶梨勒 去核 檳榔

木香

右各等分為細末酒煮麵糊和丸如梧桐子大每

食前以生薑橘皮湯下拾五丸温酒亦得

又方

鼈甲醋炙黃 去羶爛 川大黃剉碎 微炒 京三稜炮裂各 等分

右為末醋煮麵糊丸如梧桐子大每食前以生薑

湯下拾丸

木香剉砂丸 粹 治婦人瘕癖積聚血塊刺痛脾胃

虛寒宿食不消久不瘥者

木香 硃砂 丁香

官桂 附子炮 乾漆炒煙盡

細墨 大黃剉碎為末 乳香研

廣茂 青皮 京三稜

沒藥研 豬牙皂角 乾薑炮各 等分

巴豆霜咸半

右除硃砂乳香沒藥外同為末以好醋壹升化開
硃砂去滓銀器中慢火熬次下巴豆霜大黃熬成
膏將前藥末與膏子為丸如麻子大每服參五拾
丸食後温酒送下加至大便利為度

當歸散聖惠 治婦人瘕癖氣攻心腹痛不能飲食

當歸剉微炒 檳榔各柒 錢半 木香

桂心 陳橘皮去白各 半兩 京三稜

郁李仁去皮 微炒

桃仁去皮 微炒

吳茱萸湯泡 炒

各壹兩

右件麤搗篩每服參錢水壹中盞煎至六分去滓不計時候稍熱服

右方皆攻積之劑全無補性虛人禁用實者亦須以四君四物湯藥兼服乃可

血瘕 大婦人血瘕由飲食不節寒溫不調氣血勞傷臟腑虛弱風冷入腹與血相結所生血者痛也瘕者假也結聚浮假而痛推移乃動也婦人之病有異於丈夫者或因產後血虛受寒或因經水往來取冷過

度非獨因飲食失節多挾於血氣所成也其脉弦急者生虛弱小者死尺脉濇而浮牢為血實氣虛其發腹痛逆氣上行此為胞中有惡血久則結成血瘕也
薛子和云遺溺閉癢陰痿將痺精滑白淫皆男子之疝也若血涸月事不行行後小腹有塊或時動移前陰突出後陰痔核皆女子之疝也但女子不謂之疝而謂之瘕
一婦人小腹痞脹小便時下白帶小便淋瀝此肝經濕熱下注用龍膽瀉肝湯而愈
一婦人小腹脹痛小便不利或胸乳作痛或脇肋作脹或氣逆心吻余以為肝火而血傷脾用四物柴胡青

續集效

女科三

七十五

皮玄胡索木香而愈。一婦人小腹痞悶小便不利。內熱體倦懶食。用八珍湯加柴胡山梔龍膽草治之。而安。

乾漆散 治婦人疝瘕久不消令人黃瘦疔羸兩脇妨悶心腹疼痛。

乾漆 炒令烟盡

木香

芫花 醋炒

赤芍藥

桂心

當歸

川芎

琥珀 各半兩研

大黃 炒貳兩

牛膝 朱錢半

桃仁 壹兩

麝香 貳錢半

右為細末無時溫酒調下壹錢

當歸散 治婦人疝瘕及血氣攻刺心腹疼痛不可忍。

鼈甲 醋炙黃貳兩

當歸 剉微炒

桂心

檳榔

川大黃 剉微炒各壹兩

川芎

吳茱萸 湯泡朱女焙乾

木香

青橘皮 去白各半兩

蓬義茂

赤芍藥

桃仁 湯浸去皮尖炒微

黃各朱錢伍分

右為散每服叁錢水壹盞薑壹錢叁分煎至六分去滓稍熱服不計時候。

礪砂丸 治婦人疝瘕及積瘀血在臍時攻腹脇疼。

痛

川芒硝

礞砂 各壹兩

當歸

雄黃

桂心 各半兩

大黃 炮

三稜 各貳兩

右為細末米醋壹碗熬大黃末為膏次入餘藥末和丸如梧桐子大空心溫酒下拾丸漸漸加至貳拾丸以利下惡物為度

巴豆丸

治婦人疝瘕及血氣疼痛

巴豆

去皮心醋煮半日貳錢半

大黃

炒各壹兩

五靈脂

桃仁

各柒錢半

木香

半兩各

煉蜜丸如棗豆大淡醋湯空心下伍丸熱酒亦可

黑神丸

神麴

懷香 各肆兩

木香

椒 炒香出汗

丁香 各半兩

檳榔 肆枚

漆 陸兩半生半用重湯煮半日令香

右除椒漆五物皆半生半炒為細末用前生熟漆和丸如彈子大用懷香末拾貳兩鋪陰地陰乾候外乾并懷香收器中極乾去懷香腎餘育腸膀胱痿癰及疝墜五膈血崩產後諸血漏下赤白並壹丸分四服死胎壹丸皆綿裹酒下難產炒葵子四

續聚徽段

女科三

七十七

十九枚搗碎酒煎下壹丸諸疾不過三服痰氣十服膈氣癥瘕五服血瘕三丸當瘥予族子婦病腹中有大塊如杯每發痛不可忍時子婦已貴京下善醫者悉集服藥莫愈予應之曰此血瘕也投黑神丸三丸杯氣盡消終身不作

蟠葱散 治婦人脾胃虛冷氣滯不行攻刺心腹痛

連胸脇間膀胱小腸疝氣及婦人血氣癥瘕痛

延胡索

肉桂

乾薑 各貳兩

甘草 炒

蒼朮

米泔浸壹宿

縮砂

丁皮

檳榔

谷肆兩

莪茂

三稜

茯苓

青皮

各陸兩

右為末每服叁錢水壹盞連鬚蔥白壹莖煎空心熱服

寶鑑蒺藜湯

治陰疝小腹作痛小便不利手足逆

冷或腹脇悶痛

蒺藜

去刺

附子

炮

梔子

去皮各半兩

右末每叁錢水煎溫服食前

丹溪定痛散

治寒疝疼痛速効

枳殼

拾伍枚

山梔子

炒

棠球子

吳茱萸

炒過

荔枝核

炮各等分

右為末用長流水調下壹貳錢空心服

附蘆薈丸方 治疳癖肌肉消瘦發熱潮熱飲食少
思口乾作渴或肝疳食積口鼻生瘡牙齦蝕爛等
證

蘆薈

胡黃連

黃連 炒焦

木香

白蕪荑 炒

青皮 各伍錢

當歸

茯苓

陳皮 各壹兩半

甘草 炒 錢

右為末米糊丸梧子大每服柒捌拾丸米飲下

心腹脹滿

大夫婦人心腹脹滿者由臟腑久冷氣血虛損而邪
氣客之乘於心脾故也足太陰脾之經也脾虛則脹
足少陰腎之經也其脉起於小指之下斜趨足心入
跟中上股內後廉貫腎絡膀胱從腎上貫肝膈入肺
中其支者從肺出絡於心臟邪氣客於三經與正氣
相搏積聚在內氣併於脾脾虛有脹故令心腹煩滿
而脹也診其脉遲而滑者脹滿也 薛前證脾胃虛
痞用六君子湯 雜病 脾胃虛寒者用人參理中湯
鬱結氣滯者用歸脾湯 雜病 肝侮脾土用六君柴

心腹脹滿

六君子湯

薛前證

芍脾氣壅滯用平胃散雜病中食肺氣壅滯用紫蘇飲

宿食壅滯用養胃湯脾血虛痞用四物湯加參木

右六證當互相參用仍一婦人胸膈不利飲食少

思腹脹吞酸或用疎利之藥反致中滿不食予以為

脾土虛而肝木盛用補中益氣湯雜病傷勞倦加砂仁香

附煨薑又以六君子加芎歸枳梗而愈吳江史玄

年母久病之後遇事拂意忽胸腹脹滿面目微腫兩

腿重滯氣逆上升言語喘促服清氣之劑不効予曰

此脾肺虛寒也先用六君子湯一劑病勢頓減後用

補中益氣加茯苓半夏乾薑一劑形體頓安後以七

情失調夜間腹脹乃用十全大補湯加木香少之

白朮散治婦人脾胃氣虛心腹脹滿不欲飲食四

肢無力

白朮 草果仁 訶子肉各叁分

赤茯苓 檳榔 桂心各半兩

陳皮 厚朴 人參各壹兩

甘草壹分

右為粗末每服四錢水壹鍾薑叁片棗壹枚煎至

七分去滓食前熱服

心腹用清
女科三
八十一
檳榔散 治婦人脾胃虛冷心腹脹滿不欲飲食

檳榔

前胡

川芎

青皮

柴錢半

赤芍藥

桂心

大黃

苦梗

木香

枳殼

各半兩

甘草

貳錢半

右吹咀每服四錢薑叁片煎至柒分去滓溫服

木香散 治證同前

木香

桂心

白朮

乾薑

炮

陳皮

去白

草果仁

訶梨勒

人參

各壹兩

神麩

炒黃柒錢半

甘艸 炙半兩

右為細末每服壹錢茶清點熱服

補遺治心腹脹滿子嘗獨用厚朴薑汁炒過每服伍

錢薑七片水煎溫服不拘時候間服沉香降氣湯

得効 見資生經

局方分心氣飲亦妙 方見雜三腕散亦妙方見兩

